

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



## საია ტელეკომპანია „მასტროს“ ირგვლივ განვითარებულ მოვლენებს ეხმაურება

საქართველოს ახალგაზრდა იურისტთა ასოციაცია შეშფოთებას გამოთქვამს ტელეკომპანია „მასტროს“ ირგვლივ განვითარებულ მოვლენებთან დაკავშირებით.

მოგეხსენებათ, დღეს დილიდან „მასტროს“ დამფუძნებლებსა და ტელეკომპანიის მმართველი კომპანიის დამფუძნებელ ეროსი კინმარიშვილს შორის მომხდარი უთანხმოების გამო, ტელეკომპანიის ეთერი გაითიშა. იქ მომუშავე ჟურნალისტებს არ

# საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ედღეოდათ შენობაში შესვლის და თავიანთი პროფესიული საქმიანობის განხორციელების საშუალება.

მოგვიანებით, ტელეკომპანიის ერთ-ერთმა დამფუძნებელმა მამუკა ლლონტმა და თანამშრომელთა ნაწილმა შენობაში შეღწევა მოახერხეს. ამ დროისთვის "მაესტრო" პირდაპირ ეთერში მაუწყებლობს, თუმცა, არხის დამფუძნებელთა ინფორმაციით, კვლავ არსებობს ეთერიდან „მაესტროს“ გათიშვის საფრთხე.

საქართველოს ახალგაზრდა იურისტთა ასოციაცია მიიჩნევს, რომ თითოეული მოქალაქის უფლება, მიიღოს ინფორმაცია ნებისმიერი წყაროდან, უპირველეს ყოვლისა, უზრუნველყოფილი უნდა იყოს თავად მედიასაშუალებების მიერ. საია მოუწოდებს "სტუდია მაესტროს" დამფუძნებლებსა და მმართველ კომპანიას მაღალი პასუხისმგებლობით მოეკიდონ თავიანთ მოვალეობებს და მათ შორის არსებული დაპირისპირება გადანყვიტონ სამართლებრივი გზით, რათა არ მოხდეს გამომხატვის თავისუფლების უკანონოდ ხელშეშლა.

მიგვაჩნია, რომ მაღალი საზოგადოებრივი ინტერესის ფონზე, ტელეკომპანიას დაუყოვნებლივ უნდა მიეცეს სამაუწყებლო საქმიანობის სრულად განხორციელების შესაძლებლობა.

საია იმედს იტოვებს, რომ შესაბამისი უწყებები მყისიერ რეაგირებას მოახდენენ განვითარებულ მოვლენებთან დაკავშირებით.

საქართველოს ახალგაზრდა იურისტთა ასოციაციის „მედიის სამართლებრივი დაცვის ცენტრი“ მზადყოფნას გამოთქვამს, ჩაერთოს აღნიშნული პრობლემის სამართლებრივი გადანყვიტვის პროცესში.